


古今法書苑

七十一
七十二

412
49
38





412 特
號 49
卷 38



古今法書苑卷之七十一

吳郡王世貞元美甫編 雲間王乾昌伯元甫校

十三之石 十七

唐茶山詩并詩述 貞元十年詩述于頔撰詩袁高撰徐壽正書

右唐袁高茶山詩并于頔撰詩述李吉甫撰碑陰記
共兩卷湖州歲貢茶高為刺史作此詩以諷高恕已
孫也貞元中德宗將起盧杞為饒州刺史高爭甚力
於是止用杞為上佐德宗於杞之貶終身眷眷不能
忘於陸贄則一斥不復何哉碑陰述高所歷官甚詳
云大曆中從其父贄皇公辟為丹陽令再表為監察



御史浙西團練判官德宗嗣位累遷尚書金部員外
郎右司郎中擢御史中丞為杞所忌貶韶州長史尋
刺湖州收復之歲徵拜給事中以卒然則高代宗朝
未嘗為給事中德宗朝宋嘗拜京畿觀察使其貶韶
州時實為中丞與湖傳皆不載今并著之以證唐史
之誤金石錄

唐長安尉王之咸碑貞元十年部邕撰韓秀榮書

唐濟遠寺功德碑貞元十年部邕撰劉雲行書

唐丘公夫人虞氏石表銘貞元十年梁肅撰黎燧正書

唐徑山大覺師碑貞元十年王頴撰王儼正書

唐軒轅鑄鼎原銘貞元十一年王頴撰袁滋篆書

魏州刺史王顏撰華州刺史袁淄籀書其作銘在貞
元十一年九月至十七年帝諷復書識其後以籀為
篆蓋古者均謂之篆至秦篆既分始以史籀所書為
籀也其曰得玉石佩於原上地深四尺獲之黃帝去
今六千四百三十年謂此上升時小臣遺墜物也此
則恠矣廣川書跋

唐兵部郎中韋暉墓誌貞元十一年宇文邕撰正書

唐菩薩戒石壇記貞元十一年沙門大觀述屈貞正書

唐會善寺戒壇記貞元十一年陸長源撰陸郢書

唐崔淙謝廣利方表

貞元十二年行書無書撰人姓名

右唐崔淙謝廣利方表德宗貞元中自著方書號貞元廣利方頌之郡國淙時為同州上表稱謝德宗信任姦臣毒流天下而區區欲醫方救民疾苦可謂婦人之仁矣

金石錄

唐忠武公將佐略

貞元十二年陳栩撰胡証八分書

唐幽州復舜廟頌

貞元十二年常棣撰顏頤正書并篆

唐劉居簡歸鄉拜高廟詩

貞元十二年正書

唐漢陽王張東之碑

貞元十二年李邕撰瞿令問八分書

唐顧少連張式嵩山聯句

貞元十二年正書

唐相國趙憬碑

貞元十三年權德輿撰歸發八分書

唐義興縣重修茶舍記

貞元十三年

右唐義興縣新脩茶舍記云義興貢茶非舊也前此故御史大夫李栖筠實典是邦山僧有獻佳茗者會客嘗之野人陸羽以為芬香甘辣冠於他境可薦於上栖筠從之始進萬兩此其濫觴也厥後因之徵獻寢廣遂為任土之貢與常賦之邦侔矣每歲選匠徵夫至二千餘人嗚呼孰謂栖筠之賢而為此乎

唐監池靈應公神祠碑

貞元十三年崔敖撰常縱正書

唐濟瀆廟北海壇器物銘

貞元十三年

右唐濟瀆北海壇器物銘濟源縣令張洗撰歐陽公謂洗之所記乃開元時事州縣祠廟置齊即六人官不勝其濫又謂史家不能詳載惟於碑刻見之按碑作於貞元十三年歐陽公誤以貞元為開元且碑載廟有令一人祝史一人則其官固不止於齋即考之唐書百官志五嶽四瀆令各一人主掌祀事此外又有祝史各三人齋郎各十三人則官之濫又不止於歐陽公所書而史家亦未嘗不詳載也但與碑又不
同耳 金薤琳琅
唐李吉甫神女祠詩 貞元十四年正書

唐澄城令鄭君德政碑 貞元十四年陳京撰鄭雲達行書

唐蜀守李公碑 貞元十四年常行儉撰王綸行書

唐任要謁夫子廟詩 貞元十四年正書

唐政行箴 貞元十四年德宗撰八分書無姓名

唐少林寺廚庫記 貞元十四年顧少連撰崔漑正書

唐送張建封還鎮詩 貞元十四年德宗撰太子誦行書

唐馬寔墓誌 貞元十四年歐陽詹撰正書無姓名

唐彭正傳徐浩碑 貞元十五年張式撰次子現正書

漢昭義軍節度王虔休碑 貞元十六年撰人姓名殘缺徐現正書

右唐昭義軍節度王公碑其名已殘缺以事考之益

王虔休也與唐書列傳所載官爵行治多同惟碑云
贈右僕射轉為左僕射小失不足道而碑與傳皆云
虔休汝州梁縣人元和姓纂以為范陽人非也錄金石
唐白楊新廟碑 貞元十六年令狐楚撰鄭造正書
唐四皓舊隱圖回文貞元十六年書 貞元十六年常渠年撰竇郡正
唐李說碑 貞元十六年鄭儋撰柳公權正書
唐常渠牟步虛詞 貞元十六年正書
唐同州刺史崔宗遺愛碑 楊憑撰常縱正書
唐立魏侍中王粲石井欄記 貞元十七年
魏侍中王粲石井欄記 貞元十七年山南東道節度

使干頓撰掌書記胡證書記一參謀太子舍人甄濟
撰判官彭朝義書云上元二年山南東道節度使來
填移井欄置於襄州刺史官舍故為記甄濟者韓愈
所謂陽瘡避臧卒不污祿山父子事者也其文得之
為可喜而朝議書尤善皆可愛者也

唐重脩金銅普賢菩薩像記 貞元十七年常昇撰并
行書

唐段文昌與房式往還書 貞元十七年正書

唐惠昕大師碑 貞元十七年齊推撰正書姓名殘缺

唐焦兢碑 貞元十八年從弟郁撰朱獻任行書

唐廬州刺史羅公德政碑 貞元十九年楊憑撰徐璿
正書并篆

唐李翱題名 貞元

李子揚出貞元某年李文公題名唐之進士科目蓋自肅啓始而兩京初未聞今考文公所書知府送皆有會集書於慈恩石楹蓋當時等甲進士便與科名等故世尤貴重觀高貫之集有啓獻韓貞公乞免知進士舉當時貞公欲以解頭目送文公謂頭須用合及等人恐不可令舉子用解頭取及第由是迺得以李翱為第一張仲素次之蓋自十人解送而九人入等時以為盛即此是名是也子揚世系蓋習之曾緒宜其保此 廣川書跋

唐陰真人詩 貞元甲

酆都宮陰真人祠刻詩三章唐貞元中刺史李貽孫書元豐四年轉運判官許安世即祠下盡閱其石謂此三詩真陰氏作如還丹等皆後人託之迺屬知夔州吳師孟書既成送觀中於是盡破殘 音毀見其餘石故今世不得傳真人名長生新野陰氏本儒生有才思善著書其學類左元放嘗授太清神丹故世傳其丹經贊序文甚古雅謂東漢時人此詩雖工亦與漢人異不知安世何據 廣川書跋

唐王密碑 貞元

大師於書天得也嘗學折釵股謂得古人書法隱處
余見此碑為世絕藝太師名德今人不得盡知惟書
法傳流於後故世無賢不肖皆知之蓋以公為善書
人也今書藝所學皆深墨重筆如指畫木印狀皆謂
能學公之書昔夫子能拓關而不以力聞蓋亦慎其
所習也公於書自喜常思後世不傳則其陷流俗中
亦自取其累耳廣川書跋○按是碑與陽永篆年次
無考姑附德宗之末
唐鸚鵡舍利塔記貞元十九年帝臯撰并行書
唐黃州長史楊公墓誌貞元十九年孫詔撰荀穎正
書
唐凌雲寺石像記貞元十九年帝臯撰張綽行書

唐舉廢功述

貞元二十年王仲舒撰韋國正書

唐總悟上人林下集序

貞元二十年石洪撰正書

唐韋臯紀功德碑

貞元二十年德宗撰太子誦正書

唐楚金禪師碑

貞元二十一年沙門飛錫撰吳通微
行書

唐送李愿歸盤谷序

貞元中正書無姓名

唐李陽冰篆千字

貞元

陽冰於書授法張旭世疑長史遊於顛冥之地無迹
可求觀陽冰此帖得書法三昧雖規合矩應不遁方
圜至於神明合離殆無蹊徑知與長史異者形迹間
也書家以法相授始求於法而終遊於法之外斯可

與語成法矣

廣川書跋

唐李陽冰琴銘

貞元

唐李祕監琴銘十字特奇古陽冰小篆惟見於此琴在太常今入禁中故世貴之沈存中曰南溟島上得一木名伽佗羅紋如銀屑其堅如石令工斲此琴且謂琴材欲輕鬆脆滑木堅如石可以製琴所未諭也觀此是括未嘗見琴其銘亦不盡見也今銘曰以爲臨岳等此豈爲琴材者邪或曰琴之臨岳何據曰昔孫綽云回風臨岳刈飾流離成公綏亦曰臨岳則濟州之丹林顏黃門曰琴首更絃者名臨岳琴必以堅

木籍絃欲其不刻入也世人既不見琴而銘又少得

傳括以其書行於世則余不得不辨

廣川書跋

唐萬州刺史苗極碑

永貞元年張粲撰三山從八分書苗端題額

唐忠臣顏杲卿碑

元和元年真卿撰盧佐元正書

右唐顏杲卿碑真卿撰元和中舊石刊缺其甥盧佐元重書而刻之舊唐史言杲卿既殺蔣欽湊等玄宗知之加杲卿衛尉卿兼御史大夫以袁履謙爲常山太守杲卿司馬今以碑考之乃進兼中丞追赴京而以賈深爲司馬新史所書亦同蓋舊史之謬碑又言公被懸首於右金吾街樹有張奏者收其髮謁玄宗

俄見夢云御捍處多軍馬少玄宗哭而設祭焉後奏以髮至夫人疑之捶牀而哭忽聞聲如鞭牀者髮箱跳而前夫人方駭信之其事甚怪而舊史不書新史所載亦簡畧杲卿忠義之節貫金石其死宜不昧而魯公之語可信不疑故盡錄其事于此

金石錄

唐晉祠新松記

元和元年令狐楚撰顏顥正

唐顧少連謚議

元和元年正書無姓名

唐安邑縣新亭記

元和元年劉師老撰李銑正書

唐歙州刺史盧瑗碑

元和元年裴度撰裴璘正書

祖亭碑

吊傷而有辭者也噫九江之驛碑其可興辭而吊歟斯碑之材昔太師魯國顏忠肅公所建祖亭之碑也公素負詞華代之銘誌多公之辭又好採異留名之致頃為湖州牧州產碑材石每使工琢之與辭兼行磨礱而成常心使用者不可勝數斯碑也終山之窮僻得之於自然跌本有龜護頂有螭雖不甚成而拳攫憤興如神如靈公神而珍之精選所處湖州無稱立罷守歸朝載而上遂出蘇臺入毗陵亦無稱立轉丹陽遊建業亦無稱立次江州州南有湖湖東有山蛟奔螭引直到湖心頓趾之處則茂林峭石勢環氣

勝非往時所睇而神祠曰祖將軍廟在焉公覲其詭
秀與碑材叶卽日以酒脯奠其祖神出錢五萬造亭
曰祖亭雨香爐峰北潯陽城九江為庭千艘歷階亭
既就公制創亭之文手勒斯碑而立之公文為天下
最書為天下最斯亭之地亦天下最庶資三善加以
斯碑之奇相持萬古而採異留名之致一也後典州
吏於州之九江驛有修坏之勞狀其末績乃取斯碑
刻公之述寘已之述今為九江驛之碑焉予旅遊江
州稅于茲驛祠部員外郎鄭恕同之鄭與州將嚴工
良其為余說而俱以相示嗚呼先賤後貴世之常也

先貴後賤人之傷也以祖亭方九江驛則蘭室鮑肆
矣以魯公之文方今之文則牢醴糟糠矣以魯公之
劄翰方今之劄翰則錦繡泉麻矣以魯公之用方今
之用則諸夏夷狄矣痛哉斯碑出祖亭入九江驛失
魯公之文得人之文削魯公之劄翰題人之劄翰亡
魯公之用就人之用是去蘭室而居鮑肆捨牢醴而
食糟糠脫錦繡而服泉麻黜諸夏而卽夷狄可悲之
甚者况我質天成必將可名魯公所以卜擇敬慎如
彼而常人無良黷辱如此與夫有道而黥無罪而刑
投四裔禦魑魅何以別也石不能言豈其無冤故吊

之情違乃傷理佛乃冤人實有之物亦應然嗚呼子
碑冤可予知陰隲子材豈曰無意必有以殊方頌以
異與顏表勝以殊則明從吏居卑以異奚旌子產既
授子不終致悠悠彼蒼何嗟及矣美玉抵禽高材藉
足有類子碑先榮後辱繼世生哲詎無賢弓將覲於
斯將悼於斯庶滌所黷而復攸宜屹屹子碑如神如
祇人得以專天造何為其不然矣其不然矣歐陽詹

唐乘廣禪師碑

元和二年劉禹錫撰并正書

右唐乘廣禪師碑劉禹錫撰初余為金石錄頗以唐
賢所為碑板正文集之誤禹錫之文所錄才數篇最

事考之蓋田弘正之兄融碑也弘正師魏博詔以融
為相州刺史使之相近唐史稱弘正幼孤事融甚謹
軍中嘗分曹習射弘正聯中融怒退扶之故當田季
安猜暴時能自全及為軍中推迫融不悅曰爾竟不
自悔取禍之道也其後弘正與其子布皆被禍如融
言融兄弟父子出於軍旅其智畧皆過人如弘布之
正忠義融之先見真一代豪傑也碑為篆字題山布
高衣書而名姓摩滅不可識其筆蹟頗佳金石錄

唐士洲記

元和十五年段文昌撰王玄同正書

唐張中丞許使君南特進廟碑

元和十五年常臧孫
撰趙晏正書

唐南海神廟碑 元和十五年韓愈撰陳諫正書

右唐辛祕碑與新唐史所載事跡大畧皆同惟碑與舊史皆云登五經開元禮科而新史六峯明經碑云其卒贈右僕射而新舊史皆作左僕射爾又舊史云諡曰昭而新史云諡曰肅後更諡懿碑不載其諡莫知孰是也 金石錄

唐王處士引瀑泉記 元和甲武少儀撰正書無姓名

唐羅池廟碑 長慶元年韓愈撰沈傳師正書陳曾篆額

佛經言人之生死變化出入六道中蓋上修則天神果下墜則阿脩羅果然天中極樂脩羅極苦以樂苦

相求者皆有盡極惟修泥洹杲者然後出此柳子厚浮躁進搏得臯其時以忿恚憤怨死若在正法中墜脩羅界宜也今西方諸國尚神為俗各有名號以祈福祥惟女國正名為阿脩羅蓋西域以神為脩羅其自有名者以其所顯者得名號稱之正如羅池之類愈不讀佛書不知其果如是方且敘其恠謂聰明正直也

文公敘羅池事亦既異矣夫鬼神幽助聖人閱而不言惟知道者深觀其隱然不以示人恐學者惑也嘗觀文公守儒道甚嚴以世教為己任其論武陵謝自

然事勇決果斷不惑於世可能守道者至羅池神則究極細瑣惟恐不盡豈亦蔽於好奇而不能自己邪

羅池之文至矣其以子厚正直為神誤也昔歐文忠學文公者嘗評田弘正碑銜訓嗣事為謔必曰事嗣則語參錯而雜比故能起而振也余讀此碑至牛繫軛下引飄上檣盆知簡鍊差擇其精至此信天下之奇作然永叔謂春與猿吟秋與鶴飛疑碑之誤此最退之用功處不知何故疑之考銜訓嗣事退之便是一體得於彼而失於此蓋亦不思也廣川書跋

唐贈吏部尚書武就碑

元和五年權德輿撰鄭餘慶正書

右唐武就碑就元衡父也元和姓纂載平一四子集備就登備生元衡今此碑與唐書宰相世系表皆以元衡為就子姓纂元和中脩是時元衡為宰相不應差其世次豈余家所藏本偶爾脫誤乎當俟別本校正金石錄

唐京河新開水門記

元和五年常韋處厚撰唐徠八分書

唐圮上圖贊

元和五年李德裕撰齊推正書

唐相國賈耽碑

元和五年鄭餘慶撰并正書

唐明皇送李邕赴滑州詩

元和五年拍元封行書

唐彌陀和尚碑 元和五年柳宗元撰并正書

右唐彌陀和尚碑柳宗元撰并書以集本校之不同者十餘字皆當以碑為正 金石錄

唐杜岐公郊居記 元和五年權德輿撰正書無姓名

唐杜岐公莊居記 元和五年佑自撰沈傳師正書

唐題巫山詩 元和五年蔡穆撰沈幼真行書

唐成紀王祭北嶽碣 元和五年李穆撰令狐楚正書

唐魏博田緒遺愛碑 元和六年裴均撰張弘靖正書

右唐魏博田緒遺愛碑裴均撰張弘靖書政和中與柳公權所書何進滔德政碑俱為大名尹所毀 金石錄

唐左僕射裴耀卿碑 元和七年許孟容撰歸登八分書

右唐裴耀卿碑許孟容撰宋次道春明退朝錄載皇

祐中王沂公曾之弟子融侍郎守河中還以唐明皇

所題裴耀卿碑額上之仁宗遂御篆賜沂公碑額曰

旌賢今此碑元和中立文與額皆歸登書非明皇所

題疑子融所上乃明皇書裴光庭碑爾耀卿光庭二

碑皆在絳州也又按新唐史列傳云耀卿字煥之宰

相世系表作渙之而碑乃字子渙傳云耀卿守真次

子而碑乃第三子皆史家之謬 金石錄

唐烏承玘碑 元和七年許孟容撰胡証八分書并篆

唐左常侍路公碑元和七年韓愈撰鄭餘慶正書

唐劉統軍碑元和八年韓愈撰歸登八分書

右唐劉統軍碑字畫雖殘缺猶歷歷可辨以昌黎集本校之時有異同皆當以碑為是惟敘其世系不同則疑碑之誤集本云公曾祖考為朔州守祖令太原仍世北邊樂其高寒棄楚不還逮于公身三世晉人而墓誌亦云曾大父諱承慶朔州刺史大父巨敖為太原晉陽令遂著籍太原之陽曲今此碑乃云考令太原又云再世晉人且碑既言陽曲之別錄公祖遷則其為晉人非再世明矣余故曰集本誤也碑當時

所立其諸子皆在不應差其世次而錯謬如此莫可曉也金石錄

余讀韓愈作劉昌裔碑竊疑其書謂既葬將反柩于京師必有誤夫既葬矣安得而反柩哉因求其碑是反柩于京其餘譌誤尚多碑云無師字不可以誣碑無以字有太史之狀有太常之狀碑無下有字蘇民戰敵碑為軋敵陳力應變碑為陳方僕射已都碑作以都上曰菑害碑作熇害以文考次知書本為誤迺知碑刻之傳於當時者不可誣也

元祐七年余為李平叔書劉統軍碑後贊皇李叔憲

復得此碑屬余考其歲月按新唐書劉昌裔始說邊將不售去入蜀楊惠琳亂說之順命拜瀘州刺史署昌裔州左惠琳死容河朔間曲環方攻濮州表為判官為環檄李納剴曉大義環上其藁德宗嘉之或謂永貞元年十一月夏州節度留後楊惠琳反明年六月伏誅則不得順命為瀘州刺史建中三年曲環為邠隴節度其後改陳許則不與李納同時其序錯亂不可據今考于碑楊琳為橫巴蜀靡彫公由游寄單船往招琳後來降公不有功德宗之始為曲環起則昌裔先左河北外論事不得用則入蜀說楊子琳得

佐瀘州子琳始從曲環新舊書唐曆書永泰二年崔旰攻劔南節度使郭英又邛州柏茂林瀘州楊子琳劔南李昌夔起兵討旰大曆二年杜鴻漸節度西州表子琳瀘州刺史當其時昌裔實佐其州事則自當為楊子琳但為楊琳舊書因之故不得相亂新書以為惠琳又以其在夏州陳許為惠琳在夏州時故謂李納僭逆歲月皆誤至謂攻濮州益陳許節度李光顏其謂曲環誤也新書建中二年平瀘節度李正己卒子納自稱留後貞元八年納卒舊李納之為留後在大曆十一年其卒當貞元十五年以實錄考之

舊書是也舊書建中二年李洎棄其師李師道以州
來降十一月宣武節度劉洽與神策將曲環大破李
納之衆於徐州又曰李納擁兵侵迫徐州令曲環與
劉玄佐同救建中三年李希烈侵汴州環大破希烈
軍於陳州城下擒其驍將翟暉以功加兼陳州希烈
平環兼許州貞元十五年環卒上官浣代之浣卒軍
中推昌裔遂代節度碑謂新師不牢勛將連則吳
少誠薄城浣欲遁去皆於碑可以考之後世不求其
事惟史不錄為信則安得無誤歐陽公嘗以碑考史
書謬誤若此之類是也廣州書跋

唐田弘正家廟碑

元和八年

韓愈撰胡証八分書并

唐文敞至韓愈始變後世學之者惟歐陽永叔獨探
其原余考田弘正碑益其傑然自出者永叔嘗得此
碑以校集中誤字三處曰銜訓事嗣考其所出雜比
成章錯綜而不亂信其有得於此又曰降以命書奉
我王明必以集為誤余則不信以降命書不得如集
所傳天明施於君為不類不若王明之切當而有據
也今謂碑為非是則不可謂天明以降為出於集所
著而傳則不可碑雖既定其辭後著之石此不容誤
謬然古人於文章磨鍊竄易或終其身而不已可以

集傳盡為非耶嗚呼知退之者惟永叔其說猶然則
下一等可知矣廣川書跋

唐徐偃王碑元和八年

徐偃王碑韓愈撰徐放書碑故在集中以其文相校
不失蓋碑近而傳者衆故得不誤愈於此碑序事淹
該卒實可謂至矣昔人謂愈於文渾然一出於已不
蹈籍前人今考其言曰徐不忍鬪其民北走彭城武
原山下百姓隨而從之萬有餘家因號其山為徐山
此即范曄漢書全用其語偃西王母事盡錄穆天子
傳朱弓赤矢采祥瑞志然則愈於文蓋亦未嘗不用

前人語但使人不覺如已出也其曰故制朴角昔人
常改為桶淮南子曰堯朴角不斲素題不斲愈於書
無不用也廣川書跋

唐尚書省新脩記元和八年許孟容撰鄭餘慶正書

唐尚書省石幢記元和八年証撰并八分書

唐萃州新廳堂記元和八年吳丹撰并正書

唐萃州後閣記元和八年李王辭撰正書

唐靈珎禪師塔銘元和八年徐現撰并正書

唐襄州樊成公遺愛碑元和八年李絳撰鄭餘慶正書

唐興元節度裴玢碑元和九年裴慶撰劉遵古行書

右唐裴玠碑晉公裴度撰碑已斷裂其姓氏摩滅不可識云公諱玠字連城以事考之蓋裴玠也玠元和中為興元節度使以疾歸朝卒新舊史皆有傳舊史云五代祖疎勒國王綽武德中來朝授鷹揚大將軍天山郡公因留為京兆人而新史乃云名糾今碑所載與舊史同不知新史何所據而改為糾乎疑轉寫誤爾又新舊史皆云綽玠五世祖而碑云高祖亦當以碑為正金石錄

唐會善寺記

元和九年王凝撰并行書

唐濟亭記

元和九年李蟠述裴璘正書鄭履篆

唐智浩律師碑

元和九年段文昌撰蕭延慶正書

唐紫玉山禪師碑

元和九年李承翟撰屈師禔書

唐建鎮南碣記

元和十年孟簡撰陳構正書

唐胥山銘

元和十年孟元輔撰王適正書

唐明皇與米景等撰孔門弟子贊

元和十年孟簡立

唐太子賓客孔述睿碑

元和十一年鄭綱撰鄭餘慶書

唐刻庾肩吾經禹廟詩

元和十一年孟簡立行書無姓名

唐贈司空千復碑

元和十二年張躬撰劉伯芻八分書

右唐于復碑集古錄載復碑云盧景亮撰今此碑乃張躬撰疑復有兩碑景亮所撰余錄中偶無之當俟

訪求金石錄

唐無量寺多寶塔記 元和十二年裴度撰王凝正書

唐太府寺丞李冰墓誌 元和十二年令狐楚撰段全

唐崔融題東林寺詩 元和十二年正書無姓名

唐左常侍李衆碑 元和十三年李絳撰裴璘正書

唐上弘和尚塔碑 元和十三年白居易撰李克恭正書

唐平淮西碑 元和十四年段文昌撰陸邛八分書

唐平淮西碑翰林學士段文昌撰安定李元直官朔方得於定正昔韓愈受詔為文李商隱謂如元氣正賴陶化庶類而當時不容或謂不敘勳功考其言用

夜半至於蔡破其門取元濟以獻盡得其屬士卒豈嘗泯沒顧愈以裴度決勝廟算帝黜群議決用不疑其所取遠矣劉禹錫嘗忌愈故為說每務詆訾且謂文昌此碑自成一家又謂柳宗元言愈此碑如時習小生作帽子頭以川綴其文宗元嘗推愈過揚雄不宜有此語皆禹錫妄也 廣川書跋

唐大聖舍利塔銘 元和十四年張仲素撰沈傳師正書

唐陽翟縣令壁記 元和十四年許堯佐撰吳宗冉正書

唐元浩和尚靈塔碑 元和十四年崔恭撰并正書

唐左常侍薛苹碑 元和十五年于孟簡撰柳公權正書

右唐薛革碑唐史列傳云革父順為奉先尉而此碑及元和姓纂皆云名順先蓋史誤金石錄

唐感化詩元和十五年竇牟撰正書無姓名

唐太子賓客呂元膺碑元和十五年李絳撰裴璘正書

右唐呂元膺碑舊唐史云元膺字景文新史云字景夫而碑乃字孟淳新舊史皆云元膺自御史中丞拜岳鄂觀察使而碑乃云岳鄂觀察兼中丞爾其卒也舊史云諡曰憲而碑作獻皆當以碑為據

唐檢校太子少保田公碑元和十五年李宗閔撰篆書姓名殘缺

右唐檢校太子少保田公碑李宗閔撰文字殘缺以

後得此碑以校集本是正者凡數十字以此知典籍歲久轉脫誤可勝數哉金石錄

唐東渭橋河運院記元和二年席夔撰韓瑗八分書

唐武寧軍大將新廳記元和二年張仲素撰崔緝正書

唐大誓禪師碑元和二年張和靖撰八分書姓名殘缺

唐禱聰明山元和二年虞頊撰正書

唐心經元和二年竇鞏正書

唐明州南樓詩元和二年張祐撰胡師模八分書

唐二聖金剛碑元和三年瞿參撰并八分書篆額

唐立漢高祖頌元和三年晉陸機撰王適篆書

唐虞城縣令長新戒

王適篆

唐左拾遺竇叔向碑

元和三年羊士諤撰竇公直正書

唐般舟和尚碑

元和三年柳宗元撰并書

右唐般舟和尚碑柳宗元撰并書子厚頗自矜其書然亦不甚工今見于世者惟此與彌陀和尚碑爾雖字畫小大不同然筆法絕相似歐陽公以為不類又疑他人借子厚之名者非也

金石錄

唐韓退之題名

元和四年正書

右唐韓退之題名在高山天封觀柱蓋退之自書又一本與石洪等題名在洛陽福先寺乃同遊者所書

爾世間又有退之與大顛書乃國初一學佛者偽作而歐陽公集古錄以為非偽永叔平生為文宗師退之且力詆釋氏而獨言此書何邪

金石錄

唐國子助教薛公達墓誌

元和四年韓愈撰正書無姓名

右唐薛公達墓誌韓退之撰以昌黎集本校之頗不同皆當以石本為是今畧舉數處集本云曾祖曰希莊父曰播而闕其祖石本乃云祖曰元揮果州流溪縣丞贈左散騎常侍集本云君執弓腰二矢挾一矢以興而石本作指一矢以興集本云遺言曰以公儀之子為已後而石本作以公儀之子已已後我蓋其

小字也如此類甚眾畧舉數處要知石刻可貴爾金石錄

唐虞城令李公去思頌 元和四年李白撰王適篆書

右唐虞城令李公去思頌李白撰王適書碑側題云

元和四年二月重篆蓋適不與白同時此碑後來追

建爾歐陽公集古錄云適在陽水前者誤也 金石錄

唐新開常熟塘記 元和四年劉允文撰劉苑正書

唐游瑯邪山新寺詩 元和四年柳遂正書

唐國子司業辛瑋碑 元和四年姪宗撰正書無姓名

唐徐州使院石柱記 元和四年劉公與撰盧自烈八分書

唐黃陵廟碑 長慶元年韓愈撰沈 正書

黃陵碑世以其書為重石久缺剝字滅幾半矣近人以其完本售至數萬謂傳師此書特謹重有法不與他石竝歐陽永叔嘗得其碑謂降小君為夫人據碑為定今考於禮夫人之為小君自不失正又若陟方等語大不合於書退之於文嚴整緻密獨黃陵碑詞不整比而辨事謬誤其謂張愉曰且使後世知有子名加此於人其誰受之邪穆宗詔曰張愉學古人仕甚脩飾河西有政聲次於李諒則愉之名不待愈而後世知之矣 廣川書跋

博士王持國得韓愈撰黃陵廟碑甚完其字無譌軸
而藏之屬余書其後余謂黃陵文見昌黎集人皆可
得惟碑以沈傳師書為貴久則字剝缺不可讀故其
完本難得余嘗考昌黎之文獨此碑雜碎無統紀蓋
其辨湘君亦自畔不得經意湘君即舜妃夫人即女
英以楚詞知之舜不立正妃二女以長幼為序不言
后豈后之下復為小君以稱此非禮也書稱舜陟方
廼死自是南巡狩凡行必謂陟蓋往而升也不宜遂
以為陟而死也今日陟文句為盡而謂方廼死者此
不成語矣 廣川書跋

右唐黃陵廟碑碑四面皆有字今其兩面字多處已
磨滅不可讀此本蓋七八十年前舊物字畫完好可
寶也今世所傳退之集多為人妄加訓校而此碑人
家尚時有之故訛謬為少然退之自潮移袁入為國
子祭酒寶三年而碑云三十年蓋書碑者誤爾 金石錄
唐贈太保李良臣碑 長慶二年李宗閔撰楊正書
右唐李良臣碑良臣李光顏之父也碑李宗閔撰文
詞爾雅可喜宗閔牛僧孺皆一代奇才而自陷朋黨
惜哉 金石錄

唐張誠碑

篆

長慶二年自居易撰武翊黃正書姪孫碯

唐律大德奏公塔銘長慶二年白居易撰僧雲臯正書

唐豁堂詩長慶二年韓愈撰牛僧孺正書

唐題恠石詩長慶二年世傳李德裕作

唐邠國公功德銘長慶二年

右唐邠國公功德銘右神策神護軍中尉楊承和撰并書邠國公者內侍梁守謙也攷之唐史宦者守謙無傳惟憲宗十五年書帝暴崩於太極殿中尉梁守謙王守澄者共立太子殺吐突承瓘及澧王憚而韓文公平淮西碑亦載守謙在帝左右嘗命之往撫蔡師夫守謙以一宦者而爵至上公予之錄此蓋將為

天下後世之戒而非徒取其文字也金薤琳瑯

唐平盧薛公紀績述長慶三年拍元封撰八分書

唐題東林寺影堂碑陰長慶三年李激撰僧雲章正書

唐少府監胡珣碑長慶三年韓愈撰胡証八分書

唐江西使院小史記長慶三年崔祐甫撰陸蔚之正書

唐贈左僕射郭公碑長慶三年李宗閔撰蕭祐正書

唐絳守居園池記長慶三年樊宗師撰正書無姓名

文章之奇至矣作者既衆人務以工自見則其勢必至於恢詭譎怪而後已譬諸常珍滿目非奇玩怪產不足以發異觀於是海中腐石以出珊瑚溝中斷木

以供義尊焉唐之文敝極矣後有韓退之震起衰陋
皇甫湜李翱張籍輩相耐而出益亦求海中之石溝
中之木者也嗚呼能不隨人後以自樹立宜昌黎公
之文獨臻其至也

園池記文既怪陝人患難知益紹述亦釋於後自惜
不知故世不得考之崇寧三年余至絳州廼剔刮礪
洗於其後刻回連名亭香名亭薪名亭槐名亭望月名亭柏名亭
白鵬名亭鷺名亭白濱名亭雅名亭文安名亭裴名亭聞喜名亭與名亭鴉
軌名亭蒼塘名亭風名亭鼇名亭如此而後可以識也嘗
謂八代文敝至唐極矣韓退之毅然以古學為諸儒

倡然其得意而人非笑之者不勝衆也蓋流俗所移
非能自立者其能終不廢耶廣川書跋

右唐絳守居園池記樊宗師撰昔之為文者雖務為
新語然未嘗有意于求奇也宗師之文乃故為險怪
必使人不可曉而後已此豈作者之體哉金石錄

梁柳州并銘長慶三年柳宗元撰沈傳師正書

右唐柳州并銘柳宗元撰沈傳師書字畫頗不工疑
後人偽為然以子厚集本校之不同者數字此本為
善又恐工人摸刻不甚精好爾更俟識者使之金石錄
唐大海寺王像碑長慶四年張仲方撰韓齊申八分

唐熙怡大師石墳誌

長慶四年侯高撰僧雲臯正書

唐大覺禪師塔銘

長慶四年李激撰柳公權正書胡証篆

唐銘幡竿石

長慶四年竇鞏撰并正書

唐相里友諒墓誌

長慶四年撰人名缺士玄弼正書

唐太學博士李干墓誌

長慶中

唐李干誌河南李仲微得其碑以傳然其文自見昌黎集中其書李翱志曰字子漸集無此又以柳賁爲必與集文異唐憲宗紀自作柳必知李道古誌與此皆誤此誌甚罪干以冊砂受賁之術以死且以爲世戒又序歸登食水銀大射竅節以出李虛中服硫黃

致疽發於背李遜且死始知藥誤子孟簡自

以得不

必藥二年竟卒盧垣溺出血肉李道古亦以柳泌藥必海上觀其學者自令人聳懼驚恐可終身守之然白居易曰退之服硫黃一病竟不痊立論以戒世乃自蹈於此何哉

廣州書跋

唐孔戣墓誌

長慶中

孔戣志稱戣平生節操有古人風使作者無愧詞亦使人知以銘誌爲貴也考廣德王碑其敘亦備矣當戣爲華州刺史奏江淮進海味道路擾人憲宗以其言忠詔除嶺南節度其始見於嶺表者韓愈盡道之

獨不及華州事則誌不得而具者其序當然也廣川書跋

唐澠州刺史高德政碑長慶中王起撰裴璘書

右唐澠州刺史高德政碑王起撰按唐書地理志

元和十二年以郾城上蔡西平遂平四年置澠州長

慶元年州廢今碑後題長慶而其下殘缺當為元年

蓋是年州遂廢矣高公者名承簡崇文之子為裴度

牙將後至邠寧節度唐史有傳金石錄

感脩浯溪記寶曆元年帝詞撰羅正書

唐紫陽先生碑寶曆二年李白撰碑陰記李繁撰俱柳公綽書

唐蒙泉詩寶曆二年沈傳師正書字文鼎詩附

唐三像記寶曆二年李德裕撰并八分書

唐禹穴碑寶曆二年鄭魴撰序元稹銘韓杼林行書

唐桂陽巖銘寶曆中李涉撰八分書無姓名

唐辨石鍾山記大和元年李叢撰正書無姓名

唐冲虛真人廟記大和元年劉三復撰李德裕八分書

唐江西石幢記

江西石幢記觀察文使試左武衛兵曹參軍來撰擇大和二年建自採訪使班景倩兼知黔中道為始判官已下皆列次姓名

後不幢記都國練判官試太常協律郎李方玄撰大

和七年建自使檢校右散騎常侍御史中丞裴誼為始副使以下皆列次姓名續石幢記節度掌書記陳象撰光化三年建自使開府儀同三司檢校太保兼侍中潁川郡鍾某為始列副使已下如後記續立石柱題名記知節度判官胡順之撰天聖元年建自太平興國元年自殿中丞通判軍州事李翰為始至熙寧九年祠部郎中集賢檢理葉均

唐司徒烏重胤碑

大和二年裴度撰實易直正書

右唐烏重胤碑新唐史列傳云重胤為橫海節度使討王廷湊久不進兵穆宗以為觀望詔杜叔良代之

以重胤為太子太保長慶末以檢校司徒同中書門下平章事為山南西道節度使召至京師改節天平軍文宗初真拜司徒今以碑考之重胤為橫海節度使長慶元年徙為山南西道周歲徵入改天平軍四年就拜太子太保文宗踐極真拜門下平章事頃之同中書為司徒餘如故蓋重胤之罷橫海即移鎮興元未嘗拜太子太保而其為太保實師天平又其帥興元時未嘗兼宰相至文宗即位乃拜爾舊史與文宗實錄所書畧同皆可以正新史之失

金石錄

唐涅槃和尚碑

大和二年武翊黃撰柳公權正書

唐清泉寺大藏經記大和二年韓杼材撰并行書劉蔚篆

唐西平王李晟碑大和二年

右唐李晟碑裴度撰碑載西平子十二人愿聰總孫
憑如憲想懿聽某懸唐史宰相世系表所書亦同而
新舊史列傳皆云晟十有五子舊史云侗偁偕無祿
早世豈以侗等早世故碑不載歟又李石撰李聰碑
云西平有子十六人疑更有未名而卒者爾元和姓
纂載西平子十人以碑校之姓纂闕聰摠憑懿四人
而孫應二子墓碑舊史皆無之又其倫次差謬亦當
以碑為正金石錄

右唐西平郡王李晟碑裴晉公撰柳公權正書晟在
唐功蓋天下可謂偉矣唐書列傳敘其官時與碑不
合碑謂晟由左清道率歷三府右職累遷光祿太常
卿傳則云授特進試太常卿碑晟為涇原四鎮北度
節度都知兵馬使代宗徵之以左金吾衛將軍為神
策兵馬使傳則云以右金吾衛大將軍為涇原四鎮
北庭兵馬使碑謂晟平蜀還授檢校太子賓客而傳
不書碑謂建中二年以晟為神策先鋒都知兵馬使
加御史中丞尋拜左散騎常侍兼御史大夫傳則云
晟為神策先鋒加檢校左散騎常侍兼魏府左司馬

尋授御史大夫碑謂皇居失守授晟檢校工部尚書
克神策行營節度使傳則云詔拜神策行營節度使
碑謂大駕再遷加檢校右僕射尋轉左僕射同平章
事兼京兆尹神策軍京畿鄜坊節度觀察等使管内
及商華等州副元帥復詔晟兼河中晉絳慈隰節度
使又兼京畿渭北鄜坊丹延節度招討使又進京畿
渭北鄜坊商華兵馬副元帥傳則云進晟尚書左僕
射同中書門下平章事復詔晟兼河中晉絳慈隰節
度使又兼京畿渭北鄜坊丹延節度招討使又進京
畿渭北鄜坊商華兵馬副元帥碑謂鑿路爰歸拜司

徒兼中書令俄以本官兼鳳翔尹鳳翔隴右節度觀
察等使及四鎮北庭涇原等州副元帥改封西平郡
王傳則云拜晟司徒兼中書令尋拜鳳翔隴右涇原
節度使兼行營副元帥徙王西平郡晟之碑作於當
時而史成於後代要當以碑為是

金薤琳琅

唐衡嶽寺大德瑗公碑

大和三年

皇甫湜撰王珣正書

唐薛平增修家廟碑

大和三年

馮宿撰裴潁正書李

唐塔陰文

大和三年楊承和撰唐玄度篆書

唐齊德諸州節度使李祐墓誌

大和三年使敬休撰

右唐李祐墓誌使敬休撰新唐書祐列傳云祐為夏

綏銀節度使徙涇原討李同捷也改滄德景節度累
檢校尚書左僕射董重質之貶未幾轉太子少詹事
隸武寧軍遷左神武將軍擢累左右神策行營劍南
西川節度復云歷帥夏綏銀終右龍武統軍贈尚書
右僕射其所書首尾顛倒今以墓誌考之祐以平蔡
功超授左神武將軍從徐州李愬平李師道遷左金
吾衛將軍帥綏銀夏鞏戶部尚書兼左金吾衛大將
軍遂為齊德滄景等州節度使以卒其所歷官止此
矣蓋未嘗為少詹事帥涇原領劍南節制也不知史
何所依據又誌云卒於滄景而傳言終龍武統軍誌

云贈司徒而傳贈僕射亦當以誌為是祐之為吳元
濟將也據李愬傳言吳秀琳之降為愬策曰必破賊
非李祐不可祐賊健將也守興橋柵其戰常易官軍
愬候祐獲于野遣史用誠以壯騎三百伏其旁祐果
輕出遂為所擒今誌乃言祐潛布款誠於愬且曰某
以某日歸命其就執也願得傷一支以為解不然妻
子之在賊城無遺類矣愬許之洎至唐州同執者十
二人命斬於牙門外次至祐大叫謂愬曰公背初約
邪今淮蔡未平不宜誅壯士愬乃釋之自取藥封其
臂分衣服飲食與語終日即署為都知兵馬使二說

不同未知孰是也 金石錄

唐裴度白居易聯句 大和三年正書無姓名

唐太尉王播碑 大和四年李宗閔撰卿公權正書

唐王播墓誌 大和四年牛僧孺撰柳公權正書

唐節堂記 大和四年劉三復撰李德裕八分書

唐玳禪師碑 大和四年劉軻撰僧雲臯正書

唐何文愬碑 大和四年王源中撰劉禹錫正書

唐秋日望贊皇山詩 大和四年李德裕撰并八分書

唐侯仲莊碑 大和四年杜黃裳撰崔元畧正書

唐桃源詩 大和四年劉禹錫撰李某書名缺

唐將作監韋文恪墓誌 大和五年庾敬休撰柳公權

唐天平軍節度使廳記 大和五年劉禹錫撰沙門有

唐小洞庭五大守讌籍記 大和五年蘇源明撰後序

唐白居易游濟源詩 大和五年正書為宿詩附

唐太清宮鐘銘 大和五年馮宿撰柳公權正書

古今法書苑卷之七十二

吳郡王世貞元美甫編 雲間王乾昌伯元甫校

十三之石十八

唐令狐公先廟碑

大和五年劉禹錫撰并正書

右唐令狐公先廟碑劉禹錫撰集本云躬若奉盈而碑本躬作躬按史記周公世家云躬躬然如畏徐廣曰躬躬謹敬貌也出三蒼後人不知躬字所出遂改為躬誤矣其他異同尚多不盡錄也

金石錄

唐殿中侍御史韋翊墓誌

大和六年

劉禹錫撰張休正書

右唐韋翊墓誌劉禹錫撰世所傳禹錫文集無此誌

益禹錫集本四十卷今亡其十卷墓誌皆闕非獨此一篇也翊有子詢仕為湖南觀察使舊史有傳新史無之墓誌云翊父幼卿而傳作召卿墓誌云翊官終殿中侍御史而傳作侍御史皆非也金石錄

唐六譯金剛經

太和六年唐玄度集王石軍書又益

唐襄州文宣王廟記

大和六年裴度撰崔倬正書盧

唐義成李德裕德政碑

大和六年賈餗撰歸融八分書

唐游王屋碑

太和六年白居易撰正書

唐贈太尉李愬碑

大和中李紆撰沈傳師正書

右唐李愬碑李紆撰歐陽公集古錄云新唐史列傳

載愬十餘子江渢涇瀛等同被害惟源獲免據李紆載愬子見于碑者十二人未嘗有源也然則源者史家何從得之據史言源為司農主簿以碑考之源當為汶余按穆宗實錄載源事首尾甚詳云愬被害源方八歲為賊所虜流浪南北展轉人家凡七八年洛陽平父之故吏以金帛贖之歸于近親代宗聞之授河南府叅軍自司農主簿棄官寓居洛陽惠林佛寺垂五十年至長慶中御史中丞李德裕會昌一品集載薦源表其事皆同然則史不為無據蓋疑其初名汶後改為源爾又唐人表郊撰甘澤謚載源隱居拜

官皆同惟書僧圓澤事頗恠誕難信然至其名亦不應謬誤也 金石錄

唐四望亭記 太和七年李紳撰正書無姓名

唐李紳法華寺詩 太和七年正書

唐散騎常侍張昔墓誌 大和七年馮宿撰正書無姓名

唐昇玄劉先生碑 太和七年馮宿撰柳公權正書

唐義陽郡王苻璘碑 太和七年李宗閔撰柳公權正書

右唐苻璘碑按唐書列傳璘姓苻而碑作苻以姓氏書考之瑯邪苻氏出於魯頃公之孫公雅為秦符節令因以為氏而武都苻氏出於有扈之後為啟所滅

奔西戎代為氏酋本姓蒲至苻堅以背有文改焉今

此碑以璘為苻氏又云其先瑯邪人皆不可知然按

璘與弟瑤皆封邑干瑯邪豈書碑者誤耶 金石錄

唐沈傳師攝山題名 大和七年正書

唐太倉箴 大和七年李商隱撰行書無姓名

唐育王山常住田碑 大和七年萬齊融撰范的行書

唐脩龍宮寺碑 大和九年李紳撰行書無姓名

唐春城院佛殿記 大和九年劉慥撰鄭師仁八分書

唐東林寺白氏文集記 大和九年白居易撰僧雲臯正書

唐馬先生廟碑 大和九年盧中規撰崔植正書

唐沈傳師墓誌 大和九年權璩撰姪堯章正書

唐李紳題少林寺詩 開成元年正書

唐皇甫曙題石佛谷詩 開成元年李道夷正書

唐贈太尉王知興碑 開成元年裴度撰柳公權正書

右唐王知興碑裴晉公撰知興出于卒伍無他才能其為將帥雖有破李師道李汜李同捷之功然在徐州跋扈難制逐崔群侯弘度剽奪賁物重斂以結權倖其功不足掩過晉公此碑可謂過其實矣 金石錄

唐柳公權小字清淨經 開成中

右唐柳公權小字清淨經予得舊搨本於四明豐解

元坊豐得之鄉人徐蘭蘭好作隸字不師漢人而師宋廬陵朱協極蘇學嘗有協極所書敬齋箴石刻字畫無法俗惡可厭後之人乃有好之如徐氏者亦其所遭然也因識此漫及之 金薤琳琅

唐文宣王新廟碑 開成二年劉禹錫撰盧逕正書

唐黃公碑 開成二年李漢撰八分書無姓名

唐柳公權陰符經序 開成二年鄭澣撰公權正書

柳誠懸書至此極矣然人之好尚亦難齊李西臺愛柳尊師志歐陽公愛高唐碑惟君謨獨喜此序謂善藏筆鋒自是書家所共恐不能盡其妙處觀其平時

論曰尖如槌捺如鑿不得出只得卻文宗問之曰凡縛筆頭極緊一毛出卽不堪用然藏鋒在得筆意非極工於筆亦不能也宜公權戒此廣川書跋

唐檢校金部郎中崔禎碑

開成三年李鋒撰柳公權正書

唐淮南監軍韋元素碑

開成三年柳公權撰

正書丁居晦撰

唐柳公權書度人經

正書之擅名者自魏鍾繇而至於宋僅得四十四人而唐柳誠懸實錚錚乎其間則大墨妙筆精有不待贊矣其入宋祕府凡六帖而書度人經者二此卷特其一爾是經乃晉宋人偽作至誠懸時相傳稍久故

信而書之近代紫陽方回則謂五季蜀王建時道士王喬始造且確然弗自疑不幾於甚可咲歟使回見誠懸書此吾知其穎有泚也宋鑿坡

唐柳公權書松叔夜絕交書

余幼年來崇仁得柳誠懸所書松叔夜絕交書石本云是中書梅亭李公携歸蜀口是時余未識柳公筆法亦不知此石鐫勒之精否墓榻之工拙也後官成均與鄆人曹彥禮先生同館見其所藏柳公易賦靈寶經真蹟非惟筆精墨妙嚴勁鎮密神采飛動至乎界畫粘綴硬黃搗練各極其工之精者矣留几格臨

玩僅半歲博古好雅者以重金購諸曹氏後雖數見不能久矣歸田以來百慮消盡時憶故物了然心目之間則亦不可謂全無累於塵影者矣而謹致榮乃得絕交書墨跡與石本並卷亦是李公蜀物也而余目障成痼畧不能辨波磔點畫於茫緲之際傳曰盲者無以與乎五色之觀雖有至寶邈然不知深以為悵惘書其後而歸之

虞文靖

唐宰相崔群碑

開成三年斐度撰劉禹錫正書

右唐崔群碑裴晉公撰劉禹錫書字畫訛缺處多其可考者群為武寧軍節度使檢校禮部尚書而唐史

本傳作兵部其自荆南節度使召拜檢校左僕射太常卿遂為吏部尚書以卒而傳但云召拜吏部尚書而已皆當以碑為正群在憲宗朝號稱賢相是時皇甫鑄方有寵群力排其姦然憲宗竟逐群而相鑄何耶

金石錄

唐竇稱律師塔銘

開成四年劉軻撰陳去病正書

唐溜王傳元公碑

開成四年李宗閔撰柳公權正書

唐白蘋州五亭記

開成四年白居易撰馬繼正書

唐宣州觀察使王質碑

開成四年劉禹錫撰并正書

唐山南西道驛路記

開成四年劉禹錫撰柳公權正書

唐何進滔德政碑 開成五年柳公權撰并正書

右唐何進滔德政碑進滔事迹固無足取而柳公權書法為世模楷此碑尤為雄偉政和中大名尹建言磨去舊文別刊新製好古者為之歎惜也 金石錄

唐贈禮部尚書羅讓碑 開成五年王起撰柳公權正書

唐常侍裴恭碑 開成五年盧榘撰鄭還古正書

唐沒賀舍利傳 開成五年崔壽撰正書無姓名

唐李德裕平泉草木記 開成五年李德裕八分書

唐李德裕平泉山居詩 開成五年李德裕八分書

唐左真人仙堂記 開成五年張虛白撰龔真子書

唐沈傳師嶽麓寺詩 行書

唐李聽碑 開成五年李石撰柳公權正書

右唐李聽碑與唐史所載事迹多同惟聽罷魏博節度使碑言為太子太師而史作少師小誤爾 金石錄

唐大達法師玄秘碑 會昌元年裴度撰柳公權正書

右唐大達法師玄秘碑裴度撰柳公權正書歐陽公嘗謂物之所遭有幸不幸詩書遭秦不免煨燼而浮屠老氏以託於字畫之善遂見珍蓄若此碑是已嗚呼緇流之藉文字以傳後世如予之所錄蓋不止於一玄秘也 金薤琳琅

唐新脩紫極宮記

會昌元年賈島撰正書無姓名

唐宣公律院碣

會昌元年嚴厚本撰柳公權正書

唐贈太師崔陞碑

會昌元年劉禹錫撰柳公權正書

右唐崔陞碑據新唐史倕子邠傳云倕位吏部侍郎

今以碑考之陞仕至檢校吏部郎中兼御史中丞爾

蓋傳誤也

金石錄

唐行溪新亭記

會昌二年李漬撰楊紹復正書

唐昊天觀碑

會昌三年王起撰柳公權正書

唐巡幸左神策軍碑

會昌三年崔鉉撰柳公權正書

唐張弘靖祭唐叔文

會昌四年李德裕撰正書無姓名

唐蔚州刺史馬紆墓誌

會昌四年楊倬撰正書無姓名

唐贈太子少保高重碑

會昌四年姪元裕撰柳公權正書

唐柳公權書金剛經

會昌四年正書

誠懸以書聞西方史謂當時中外大臣家書碑刻銘不煩手筆者子孫以為孝敬不足故昔時高麗百濟入貢齎貨具以購書名之重後世莫及然此經本書於西明寺後亦屢改矣經石幸存不墜兵火柳玘謂備有鍾王歐虞褚陸之體今考其書誠為絕藝尤可貴也

廣川書跋

唐李貽孫神女廟碑

會昌五年正書無姓名

唐脩文宣王廟記 會昌五年裴坦撰盧匡書

唐李德裕大孤山賦 會昌五年篆書無姓名

唐相國李涼公碑 會昌五年李德裕撰柳公權正書

右唐李涼公碑李德裕撰文字殘缺不可盡識按新唐史列傳載公所歷官甚略其最著者嘗兼御史中丞充巡邊使又自給事中遷京兆尹史皆不載其為荆南節度也史云讓中書侍郎換檢校兵部尚書會昌三年檢校司空徙節河東而碑云初加檢校尚書武宗承統首讓中書侍郎就遷檢校右僕射餘如故皆當以碑為正 金石錄

唐商於新驛記 大中元年帝琮撰柳公權正書

唐山南西道節度使王起碑 大中元年李四撰柳公權正書

唐呂溫祭舜廟文 大中元年裴申之正書

唐宰相牛僧孺碑 大中二年李珣撰柳公權正書

右唐牛僧孺碑李珣撰據碑云僧孺自襄陽節度使降授太子少師遷檢校司徒兼太子太保而傳言累遷太子少保進少師碑云宣宗即位自汝州長史遷太子少保轉少師分司東洛而史但言遷為少師亦不言其為分司者皆史之闕誤又杜牧撰僧孺墓誌云文宗朝以中書侍郎領平章事而史作門下侍郎

亦非也 金石錄

唐太子太傅劉沔碑 大中二年韋博撰柳公權正書
右唐劉沔碑按舊史云沔許州牙將也少事李光顏
為帳中親筆元和中討吳元濟有功隨光顏入朝憲
宗留宿衛歷三將軍鹽州刺史天德軍防禦使移振
武節度使而碑乃云沔北遊至單于都護府謁節度
使范希朝希朝署牙門將入右神策軍馬大將累遷
大將軍拜涇原節度使移振武蓋沔初末嘗為許州
牙將從李光顏平蔡及為鹽州刺史天德軍防禦使
皆當以碑為正至新史所書悉與碑合疑史官常得

此碑以訂舊史之失云 金石錄

唐淮陽太守李公廟記 大中三年李謙撰慕容鎬正書

唐般若心經 大中五年徐璋篆

唐李德裕武昌詩

李德裕武昌詩其間謂牛羊具特俎則指牛僧孺楊
嗣復嗟夫朋黨之怨至於知此雖一語言間且不能
忘也德裕學優而材勝其操術近正但愔忿少容以
及於禍昔牛崇為隴西主簿羊喜為郡功曹馬文淵
為太守涼州云三特備具德裕嘗編牛羊日麗皆取
於此 廣川書跋

唐普光王寺碑

大中四年李邕撰柳公權正書

唐穎亭記

大中四年陳寬撰正書無姓名

唐衡州門記

大中四年

衡州記唐大中四年李侗為刺史因治郡署立通門刻石記其封所本不見書撰人名蓋侗所為也其言衡陽當五嶺門考於書益古文嶺字而五嶺皆在廣南以衡嶽為五嶺門昔鄧德明作南康記其五嶺甚辨然皆謂在南康則非也裴潛記以大庾始安臨賀桂陽揭陽為五嶺然二子之論雖異獨以為衡嶽為五嶺者或侗自有據而衡山又有五嶺不可知也廣

川書跋

唐重立魏大饗碑

大中五年

右唐重立大饗碑大中五年亳州刺史李暨以舊文剋缺再刻于石舊碑既斷續不可盡識而此本特完好故附于其次俾覽者詳馬魏之事跡雖無足取而其文詞工妙亦不可廢也金石錄

唐醉吟先生傳并墓碑

大中五年傳白居易自撰碑李商隱撰碑正書

右唐醉吟先生傳并墓碑舊唐史云居易以大中元年卒年七十六而新史云卒於會昌六年年七十五年今碑所書與新史合又舊史書居易拜官歲月亦多

差謬不合小失不足道故不錄 金石錄

唐贈太尉李固言碑 大中六年李珣傳三從姪儔正書

右唐李固言碑按新唐史列傳云固言自河中節度

使以疾為太子少師遷東都留守宣宗即位遷右僕

射後以太子太傅分司東都卒以碑考之其初為東

都留守數月罷以本官分司而史不書宣宗時為僕

射再遷檢校司徒東都留守而史亦不書其卒也史

云年七十八而碑云年七十六亦當以碑為據 金石錄

唐幽州納降軍使李巖碑 大中六年正書撰人姓名殘缺

唐嶺南節度使韋正貫碑 大中六年蕭鄴撰柳公權正書

唐魏公暮先廟碑 大中六年崔絢撰柳公權正書

唐河東監軍康約言碑 大中七年柳公權撰并正書

唐蕭穎士庭莎賦 大中七年正書無姓名

唐吏部尚書高元裕碑 大中七年蕭鄴撰柳公權正書

右唐高元裕碑據舊史元裕列傳及此碑皆云元裕

祖名魁而新史宰相世系表獨作彪蓋誤 金石錄

唐四證堂碑 大中七年李商隱撰正書無姓名

唐司徒薛平碑 大中七年李宗閔撰柳公權正書

李唐薛平碑據唐史列傳平為平盧軍節度使就遷

檢校右僕射封魏國公寶曆初入朝拜檢校司空為

河中節度使進檢校司徒更封韓以碑考之自平盧拜僕射進封韓國公敬宗即位拜檢校司空寶曆元年朝京師換左僕射兼戶部尚書踰月復為檢校司空節度河中文宗即位就加檢校司徒蓋未嘗封于魏而敬宗時入朝所拜官吏亦不載皆其闕誤也碑言平罷滑臺為金吾嘗見二神人自天執節降庭中呼曰薛平還汝舊節公俯伏拜受及再為滑臺以為當之矣後為平盧乃驗焉其事甚恠而唐史無之豈非妄歟

金石錄

唐觀音院記

大中七年段成式撰柳公權正書

唐起居郎劉君碑 大中七年劉三復撰柳公權正書
右唐起居郎劉君碑劉氏世墓在彭城叢亭里紹聖間故陳無已學士居彭城以書抵余曰近得柳公權所書劉君碑文字磨滅獨公權姓名三字煥然余因求得之碑殘缺然可識者猶十三四不忍棄故錄之

金石錄

唐元睿山琴臺記

大中八年宋整撰正書無姓名

唐勗復真記

大中八年自撰正書無姓名

唐陳果仁告身夫人捨宅疏

大中八年俞珣述并書

唐重陽亭銘

大中八年李商隱撰正書無姓名

唐大覺禪師二碑大中八年一李吉甫撰蕭起正書

唐淮南節度使崔從碑大中八年蔣仲撰柳公權正書

唐圭峯禪師碑大中九年裴休撰并正書

唐勸農敕大中十年正書無姓名

唐陽翟縣水亭記大中十年魏庾撰并正書

唐興唐寺記大中十年撰人姓名殘缺李衆正書

唐杜佑莊居記大中十一年佑自撰孫偷重立

唐復東林寺碑大中十一年崔黯撰柳公權正書

唐禮部尚書許康佐碑大中十一年書撰人姓名殘缺

右唐許康佐碑康佐事文宗為翰林侍講學士文宗

嘗讀春秋問康佐閣寺事康佐顧望不敢對後以問

李訓訓遂進翦除之計康佐知帝指因稱疾罷為兵

部侍郎甘露之禍李訓實啟之其狂率固有罪然康

佐以儒學侍講備顧問而陪默不對至辭位而去亦

可謂全軀保妻子之臣矣金石錄

唐南瀆廣源公碑大中十二年李景讓撰蓋巨源八

唐楊滌妻張氏墓誌大中十三年滌自撰并正書行

唐西明寺金剛經大中十三年柳公權正書

唐兵部尚書盧綸碑大中十三年盧言撰崔倬正書

唐定州文宣王廟記大中十三年盧肇撰并正書

唐儒宮碑 大中十三年沈佐黃撰杜英正書并篆

唐萬石君廟記 大中十三年石晏撰王蕃行書并篆

唐義昌軍節度使杜中立 大中十四年裴坦撰杜宣

唐崇聖寺復牙碑 大中立孫朴撰三年君行書

唐司空扶風公寫真記 咸通元年李登撰蓋巨源書

唐令狐楚登白樓賦 咸通二年令狐澄書

唐處州孔子廟碑 咸通四年

處州夫子廟碑任廸行書咸通四年刺史王通古重立以傳考之李絳作學官處州當元和二年至僖宗而碑以廢後世以昌黎公文故又刻石於學存之 廣

川書跋

唐尊勝陀羅尼經 咸通五年于僧翰八分書

唐潛溪記 咸通八年杜宣猷撰正書無姓名

右唐潛溪記杜宣猷撰潛溪者在洛陽龍門山側地有谿谷之勝舊為宰相李藩別墅宣猷購得之加葺治焉唐史宦者傳載宣猷為福建觀察使中官多閩人宣猷每歲時遣吏為上冢當時號為敕使墓戶諂諛附會盜竊顯榮而欲擅山林獨往之樂是可嘆也

唐鄭薰雪霽開講詩 咸通九年正書無姓名

金石錄

唐兵部尚書王承業墓咸通十年鄭言撰柳仲年正書
唐贈司空孔岑父碑咸通十一年鄭綰撰柳知微正書
右唐孔岑父碑鄭綰撰歐陽公集古錄云碑有子五人載戮戡戡按新唐書宰相世系表岑父六子戮之下又有威表據孔氏家譜所載碑文鄭綰撰綰自言與孔氏有世舊作碑時戮等尚在然則譜與碑文皆不應有失而不同者何也余按韓退之為戮墓誌云公之昆弟五人公為第二與綰所撰碑正合然則安得復有威乎蓋綰與退之皆當時人所書宜不謬而家譜乃其後裔追書容有差誤不足恠也金石錄

唐同昌公主碑

咸通十一年韋保衡撰柳仲年正書

唐宿惠山寺詩

咸通十二年王武陵朱宿竇羣正書

唐脩繁城廟記

咸通十二年曹分撰篆書無姓名

唐于範書

咸通中

于範書險瘦自有體裁唐人書大抵有法而於文則或不工範書自序感戀增懷皆書詞所避咸通間唐制不行于天下久矣後生不習典禮可增嘆也梁制牋書有增懷語者不得答書答中彼此感恩乖錯者州望須刺大中正處入清議終身不得仕唐紅亭記立制凡稱感者徒二年其法至重梁制至唐雖未必

盡用然陸贄所定行於貞元不應咸通間盡廢也廣川書跋

唐鄭畋謁昇仙太子廟碑乾符四年正書無姓名

唐李商隱佛頌廣明元年吳華篆書

唐昭覺寺碑中和五年蕭遘撰劉宗龜正書

唐安昌寺碑乾寧元年周度信撰今狐渙重書

唐靖居寺碑大中中段成式錄讚知祿書

段柯古博綜墳素著書倬越可喜嘗與張希復輩放上都諸寺麗事為令以段該悉內典請其獨徵皆事新對切令觀靖居碑亦畫上入以其博涉三學故諉

錄寺讚也文傷太擁釀要為不凡雖奇澀不至若樊紹述絳碑之甚然亦軋軋難句矣碑大中中作而左金吾長史顏稷所書殊有楷法唐中葉以後書道下衰之際故一作固弗多得云政和六年十月十八日黃某長睿父於楚鳳堂書

成德節度紀功碑大曆□年王士則書

右成德節度使李寶臣德政碑寶臣降虜與田承嗣輩創藩鎮之禍其人本不足道碑辭脅下為諛餒謏不文獨王士則者僅見陶九成書譜中不甚著而書法遒勁瀟灑有李北海張從申之筆良可寶也碑在

真定御史行臺不易榻昨夏温中丞如璋致一本裝
潢成帙而記於後 王世貞

董宣傳

碑前有四字篆書漢董宣傳傳作中楷結法俱精雅
有方圓意而不具人姓名當是唐能書者書之也余
嘗怪郅都董宣其清疆不屈凜凜至今有生氣而班
范列之酷吏使與義縱滅宣等後世將何所取衷哉
王世貞

李劍州碑

貞元

長史名廣業曾祖淮安王神通父雲麾將軍璲子為

都統國貞貞子庶人錡也以錡顯故立碑碑立之未
五年而錡用叛僂矣夫一傳而子死事再傳而孫死
叛不亦大徑廷哉碑辭多泐闕不可讀書撰人有曰
尚書荆部侍郎上柱國原武男有曰使持節華州諸
軍事者而皆不可攷矣書法極清婉可翫集古金石
諸書俱遺之因志其畧 王世貞

濟安侯廟記

濟安侯廟記在華州蓋昭宗自華歸長安褒賞節度
使韓建而及於城隍之神者也記為諫議大夫李巨
川撰拾遺柳懷素書其所載七月甲午建迎上於富

平丙午至華州命建與丞相叅大政固辭其年為大
京兆光化元年加太傅興德尹與史皆合持巨川所
諛建辭過當後梁兵下華州以建所為表檄書奏皆
出巨川手又為建畫策殺十六宅諸王逐禁旅歛藩
鎮資數而僂之距碑成僅一年耳吾故記其事以戒
夫文人之貳心而脂辭者 王世貞

僧彥脩帖

彥脩益與亞棲誓光齊名者作詩語如避機懶婦書
法如淮陰惡少年風狂跳踉俱非本色可歎可歎 王世貞

唐冬日陪群公泛舟詩 以後俱唐時碑年次無考

右冬日與群公泛舟詩在潤州痊鶴銘傍其字畫正
同蓋一人所書也題謫丹陽上曹椽而不見其名詩
與書皆工然世頗罕傳 金石錄

唐金字般若碑 正書無姓名

唐柘城令李公德政頌 封利建撰魏宗行書

唐立郭林宗碑 行書無姓名

唐草堂寺報願碑 宋詹文蒯敬宗正書

唐寂照寺雙浮圖碑 單江撰八分書

唐孟浩然碣 樊澤撰正書無姓名

唐李氏窪尊銘 篆書無姓名

唐棧陵陂詩 常權撰正書

唐心經 正書無姓名

唐玉藥詩唱和 沈傳師李德裕撰正書無姓名

唐題阮客舊居詩 篆書無姓名

右題阮客舊居詩小篆書集古錄以為陽水作今驗其姓名乃縉雲令李華非陽水也其字畫亦不工蓋陽水肅宗上元中嘗令縉雲其篆字石刻尚多有存者歐陽公亦誤以此詩為陽水作爾 金石錄

唐通神寺鳳陽門銘 八分書撰人無姓名

唐尊勝幢贊 韓極文鄔員行書

唐楊公史傳記 行書無姓名

唐玄度十體書

唐教戒經梵網經 正書無姓名

唐夏日登戲馬臺詩 鄭遂文盧僎撰八分書無姓名

唐楠木歌 嚴武撰史俊行書

唐嚴武題龍日寺西龕石壁詩 行書無姓名

唐郝昂光福寺詩 行書無姓名

唐白居易與劉禹錫書 行書

唐桐柏廟碑

唐元禎修相柏廟碑昔歐陽永叔謂刻銘於碑謂之碑銘後世伐石刻文既非因柱已不宜謂之碑則禎書此為碑過矣古者廟中庭謂之碑故以碑為節然獨不可以石刻又遂謂之碑嘗見伏滔功德銘曰堯碑與碣歷古不昧范雲亦謂嘗見異書堯碑禹碣皆為籀文在崆峒山中此果足信哉余謂禎為此碑母亦因是為據耶 廣川書跋

唐立王右軍祠堂記

王師乾撰正書無姓名

唐知制誥鄧慎微

碑姪洎撰顧戒奢八分書

唐皇甫湜浯溪詩

唐沙門湛然題并陘山壁詩 正書無姓名

唐吳興太守歷官記 正書無姓名

唐李幼卿題琅琊山詩 八分書無姓名柳遂皇甫智附

唐齊州刺史封公德政頌 李迥季撰李思暉行書

唐華嶽題名

唐泰山石闕題名

唐老子廟石闕題名

唐撫州六詠

陳公遠得戴容州臨川六詠筆畫疏瘦矯麗勁疾不在唐諸子下然世不以能書名也蓋叔倫自以詞學

著久世少見其書宜其不為人知其後識曰龍沙或疑叔倫葬人者今者新舊書皆曰豫章或曰其先蓋幽都豫章記言章江東岸沙勢如臥龍狀故叔倫詩曰鄰里龍沙北以沙岸如龍故云廣川書跋

唐趙璘登科記

秦始晦世藏趙璘登科記書本唐人蓋筆畫工力殆出遺教經而稍為出入繩墨首末盡亾蓋自開元二十三年至貞元九年其間亦有缺剝不可倫序或遺去十年少或三四年在姓名中又泯滅過半以考璘所紀姓名則又無異者昔崔顥嘗知大中十年舉宣

宗索登科記顥表曰自武德已後便有進士諸科所傳姓名皆是私家記錄尋委當行祠部員外郎趙璘采訪撰成十三卷今所存纔六卷而亾者十七八矣余嘗訪今藏書家并官書所籍殆無此書因錄而藏之并以舊記相參成十卷以傳廣川書跋

唐李太白藁

藁書世傳李太白遺文或謂謝氏子弟誑武蘇才元所書更不復詳考所出而推舉過重便謂不減魯公然此書雖少繩墨不可考以法度要是軒前輕後度越陵突令人想見酒酣賦詩也王僧虔論書或以其

人可想或以其法可存世人愛李太白名至偽書一卷亦聲價增重豈以人可想故邪廣川書跋

唐張友正草

張友正作書自云得漢人心法其用筆過為鋒長而力弱殆不可持故使筆常動控勢若宛轉世人故自不能用今考其書別構一體自得成就雖神明潛發不逮古人然自然處正自過人也皇象曰欲見草書漫漫落落宜得精毫而充切筆委曲宛轉不叛散者紙當得滑密不沾汗者墨又須多膠酣黝者如逸豫餘手調適而心歡娛正可以小展觀此便知友正

用筆蓋有所本

廣川書跋

唐塾屋尉題名

唐都關中塾屋在畿內為望至重而尉尤為要任自進士第一與賢科中選人得補然以題名考之自此入翰林充學士者按武不者猶為真御史世傳縣吏規尉到而輒論其官壽所劇未賞參差蓋閱人多者自有據依催貴人多故知者尤審也水曲曰塾山曲曰屋其取名于是廣川書跋

唐津陽亭詩

鄭蟠津陽亭詩其敘津陽門有亭舊矣疑唐亦有之

但不若漢時備也東漢天子都洛其制度盛麗故典儀書洛陽二十街街一亭十二城門門一亭津陽為城門則有亭宜也按司馬懿征朱然車駕送至津陽門外元嘉二十五年改開陽門為津陽則漢以洛陽宮為名而南朝效之矣廣川書跋

唐經

世稱王逸少為書祖觀其遺文可以得之每為一畫則三過筆至波勢則偃筆從字有同處初為別體若其垂露懸針碓石釵股諸體備有至於神明煥發絕塵制手影則不謀自合此其貴也後世論書法大嚴尊

逸少太過如謂黃庭清濁字三點為勢上勁側中偃下潛挫而趨鋒樂毅論熒字謂之聯飛左揭右入告誓文客字一飛三動上則左豎右揭如此類者豈復有書耶又謂一合用二兼三解掇四平分如此論書正可得唐經生等所為字若盡求於此雖逸少未必能合也廣川書跋

唐高閑千字

閑之書不多存於世其學出張顛在唐得名甚顯韓退之嘗謂張旭喜怒憂悲必於書發之故能變化若鬼神觀閑書知隨步置履於旭之境矣彼投迹無差

者豈復循已棄之轍迹而求致之哉正善學旭者也

廣川書跋

唐遺教經

正書無姓名

歐陽永叔以此為唐寫經手黃魯直謂此書在楷法中小不及樂毅論今世不知樂毅論已遭火而別本為薛崇徹所藏亾於五溪其搨本則亦與寫經手何異但此書疏肥令密密瘦令疏自得古人書意昔張翼代羲之草奏幾乎亂真褚遂良臨寫右軍亦為高妙但恨乏自然與此經一體率化衆緣其崇鐫刻知為比丘道秀所書道秀德宗時人其書當建中三年

壬戌蓋永叔魯直不見碑陰故所評如此廣川書跋

右唐遺教經國初時人盛傳為王右軍書惟歐陽公

識其非是余家藏金石刻二千卷獨此經最為舊物

蓋先公為進士時所畜爾

金石錄

唐玄宗皇帝道德經

李華撰張敬仙書

唐然燈經

正書無姓名

唐永清琴銘

右永清琴銘詞翰皆不俗可喜題曰晉陵子而不著名氏豈非隱者歟琴藏太常寺協律郎陳沂家沂死納于壙中云

金石錄

後唐同光四年宣

比因鄴都叛亂令李紹榮歸闕下兼未知李嗣源李紹真行止恐是却歸鎮府令諸處誠嚴師旅守把城池安存戶口常加警備探候申奏付晉州准此同光四年三月十七日宣樞密使李樞密使張□天子降書命於下有策書制書詔書誠書自唐以樞密院領兵事始以宣自別於命余嘗得梁宣底考之知其制自唐末至五代之當梁貞明時李振為樞密使凡宣傳上旨於行以外而錄於其院則謂之宣底而後樞密院以其與敕異事故以其詔命謂之宣其制於

事後具年月日臣某官晉改樞承宣以就其制今考同光四年三月宣其書蓋與梁同制也河南石溫叟得後唐同光四年三月宣余因考之貞明宣底見五代之制蓋自唐末相承中書省以敕樞密院以宣各有制度其稱樞密使即張居翰李紹宏也其言紹榮元行欽也紹真翟彥威也皆唐賜姓號養子莊宗所仗以成功者廣川書跋

後唐汾陽王真堂記

清泰三年李稅撰李鄂正書

右後唐汾陽王真堂記李鶚書鶚五代時仕為國子丞九經印板多其所書前輩頗貴重之余後得此記

其筆法益出歐陽率更然窘於法度而韻不能高非名書也 金石錄

後晉楊凝式書

後漢大藏經音序 乾祐元年郎忠恕撰并篆表正已正書

後漢重脩高祖廟碑 乾祐二年趙頴撰郭忠恕八分書

右漢重脩高祖廟碑郭忠恕八分書余年十七八時

已喜收畜前代石刻故正字陳無已徐人為余言豐

縣有此碑託人訪求後數年乃得之然字畫頗軟弱

余家有忠恕八分懷嵩樓記墨跡乃其暮年所書筆

力老勁非此碑之比亦嘗刻石今錄于次 金石錄

後漢說文字源 乾祐二年郭忠恕篆并正書

南唐李後主蚌帖

江南當五代後中原衣冠趨之以故文物典禮有尚

於時觀此帖下屬州責蚌醬猶有古義知以宗廟為

重恐滋味澆 音漸上聲 儻 音井澆儻味薄也集韻 其下惶

遽供命不敢寧固知禮有貴於行事者也漢律會稽

歲獻鮪 臣乙切音結蚌也 醬二升以說文求之鮪為蚌知此

為宗廟祭久矣然謂漢有舊儀豈以此耶 廣川書跋

南唐集賢院書

江左書兩等紙用澄心堂所作穀皮細抄其工本入

中隱堂備親覽者為御府書其下入文館以廣圖籍
書有楷法而字頗校讐今散落人間往往收藏為嘉
玩其書有楷 等亦與供進者絕異晉有中秘書而
又有外庫悉異紙札故虞預言祕府中有布紙三萬
餘不任寫御書而無所給請四百枚付著作書史寫
起居注然則書紙有等自昔然也 廣川書跋

南唐高公亭記 徐鉉撰并篆書

南唐許真人并銘 徐鉉撰并篆書

南唐交子賤碑 徐鉉撰并篆書

南唐紫極宮石磬銘 徐鉉撰并篆書

右南唐紫極宮石磬銘徐鉉撰并小篆書
鉉在江南以文翰著名王師南征鉉卒于圍城中
隨後主歸朝貴顯以壽終歐陽公集古錄云宋興遣
命侯來朝二徐皆得為王臣者誤矣 金石錄
文宣王廟記 乾德元年郭忠恕撰并小篆
右文宣王廟記題縣令郭忠恕撰并書按國史忠恕
為漢湘陰公從事周祖徵為周易博士國初貶乾州
司戶太宗朝復任國子主簿流登州卒不載其嘗為
縣令也記云縣在汝水之泃嵩山之陽不知其為何
縣最後題甲寅四月十五日建蓋周世宗乾德元年

也或云此記在汝州界中金石錄

陰符經

郎忠恕小篆古文八分三體

永安院佛殿記

劉從義撰郭忠恕篆袁正巳正書

懷嵩樓記

李德裕撰鄒忠恕八分書并篆

外夷摩竭提國塔銘

摩竭提國邑連佛邑卽是阿育王所治之城阿育王壞七塔作八萬四千塔最初作大塔在城南二里餘此塔前有佛迹起精舍北戶向塔南右石柱大四五圍高三丈餘上有銘題云阿育王以閻浮提布施四方增還以錢贖塔北三百步阿育王於此作泥梨城

中有石柱亦高三丈餘上有師子柱有銘記曰作泥梨城因緣及年數日月

水經注

外夷日本國誌

右日本國誌題康保五年日本在海東自漢以來見于史然與中國不常通宋苜公紀年通譜載其國年號九而獨無康保其後畢仲荀見此誌錄于通譜之末然下知康保是中國何年也余家集錄金石刻凡二千卷外國文字著錄獨此而已

金石錄

